

Vyesimiärkkum já peljimeerhah

Poccui peljiid láá čuoppum uccâ pitáh ađai peljimeerhah. Peljimeerhâst uáiná kiäs puásui kulá ađai kii oomâst poccuu. Jyehi pajeulmust lii jieijâs peljimerkkâ, mast uáiná ete puásui kulá eidu sunjin.

Poccuuh uázžuh táválávt meerhâ piälján jo vyesin já tondiet láävejuh sárnuđ vyesimiärkkumijn. Vyesimiärkkum lii tot toimâ, ko vuosijd merkkejuh omâsteijes meerkân ađai toi peeljiid čyeppih pitáid. Čuopâstâsâid láävejuh koččod nijbesäänin. Nijbesäänih láá ovdâmerkkân njavkke, kyeever, cekki, skivņe jna.

Vuosijd láävejuh miärkkuđ keessiv teikkâ mottoom kuávluin meiddei čohčuv. Vyesimiärkkumist poccuid vyejetteh vuos ááidán. Ton maņa iälu pieijih kirnon pitái mielđ. Kirnost vuosijd hengâsteh kilgoor čiapáttán vâi peessih kejadettijn uáiniđ, kotemuu ááldu tot čuávu. Ko puoh vuosijd láá kavnam omâsteijee te miärkkuškyettih. Talle poccuid kevttih vuot kirnost, kost vuosijd tuáppejuh kiddâ já miärkkuh omâsteijes meerkân. Ko puoh vyesih láá miärkkum te lyeštih iälu miácán.

Savâstállâm fáádáh:

- Mii lii vyesi?
- Mii lii vyesimiärkkum?
- Maht vuosijd láävejuh miärkkuđ?
- Kuás vuosijd láävejuh miärkkuđ?
- Mii vyesimiärkkumist tábáhtuvá?
- Mii lii peljimerkkâ?
- Maggaar pitáid peljiin láävejuh čuoppâđ ađai magareh meerhah láá?
- Monsun meerkân video vyesi merkkâdui?
- Maggaar nijbesaanijd tun huámmáših videost?

Teot (korvamerkissä)	Nijbesäänih
allapäällä	oovdeldmaajeeld
altahanka	skivņe
haara	kyever
halki	luoddistah
lovi	cekki
pistel	särgi
poikki	rasta
pykälä	pittä
päältahanka	njavkke
reikä	räigi
teroitettu	čuvâstáh
tolppa	stuálppu
vita	vine
tiili	tijlâ